



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita Et Institvto S. Ignatii Societatis Iesv Fvndatoris.
Libri Qvinqve**

Bartoli, Daniello

Lvgdvni, 1665

XXXIV. Aliud ibidem simile præcedenti.

urn:nbn:de:hbz:466:1-10840

ritus ad primum imaginis conspectum, horrendum fremere, ac vociferari, dira omnia iactare, imprecarique Iesuitis, & peiores diabolo dicere, fuga demum se tenebris condere, ausi tamen post paulum redditum tentare, longe alij videri voluerunt, nempe humanam exuti laruam, monstrosa specie, cornutis frontibus, ignem ore proflantes, quos illa denuo S. Ignatii subito prolata effigie sic ab se abegit, ut nunquam se illi quamdiu vixit spectandos dederint. Verum formis eorum immanibus quasi siderata memorem unum infirma iacuit, ipsaque familia multis deinceps calamitatibus id peccatum luit.

XXXIII.

Captus pedibus, & tru-
ribus san-
tur Monas-
chij.

Sub annum 1628. Graffio cuidam, annorum tredecim puero, contractis obduratisque crurum nervis, carne ac suris ossium tenus exsiccatis, etiam pedes transuersim in globum obtusi sunt, ita vsu eorum captus, genibus solis, & manibus reptabat, suas ponet trahens inutiles tibias; sic miserabiliter affectus Monachium in Noricis ex pago suo vicino perductus est; illic egit sex menses mendicans, dum eius misertus nescio quis, narravit aliqua non pridem ab S. Ignatio mirabiliter edita, fuisit ad eum confrigeret, expectationem mouit sanitatis ab eo exoranda, aurem praebet monenti, ac studium mendicus, maximè post quoddam de eo lati somnij omen, vouet se spatio hebdomadarum trium, quotidie altare S. Ignatij, nostro in templo aditum, & recitaturum illic rosarium Virginis; incipitque statim quod vouerat exequi. Trahi se curat ad templi fores, inde manibus nitens adreptat ad Sancti altare; instaurat votum quod nuncupauerat; confitetur; sacrae mensæ accumbit; precatorium rosarium pie orans exsoluit; & sentit interea reualescere sibi crura, distendi nervos, redire & euolui pedes. Experturus itaque an posset consistere, orantis ibidem feminæ vt aspergeret, manum rogat; sed eo subsidio iam tum sanus minimè indigebat, constitut firmus, securè ac liberè ambulauit, Deum laudans, & agens Sancto Ignatio gratias, magno populi spectatoris, & testis concentu, & applausu.

XXXIV.

Aliud ibi-
dem simile
præcedenti.

Triennio post, ibidem aliud editum, non minus illustre præcedenti. Erat Anna VVolfseberin annos nouem, & decem nata, pede altero plane inutili, & in oppiduli sui nosocomio vtcumque victitabat, huic S. Ignatius Iesu nomen manu altera gestans, altera vero librum, Sacerdotis ornatu adstitit; hunc enim fuisse, visum referens intellexit, cum ante quis esset Ignatius nunquam scisset. Vnde optimè coniecit non esse inaniter hanc sibi obiectam speciem, nec tantum spectaculi gratia, sed offerendæ potius sanitatis, ad eam petendam supplicem animum conuertit, promisitque se ad eius altare formam cerei pedis appensuram, & sacram semel curaturam. Sed enim miscellæ, cum vix mendicaro victum in diem colligeret, voti fidem per menses aliquot non licuit liberare, præterquam quod distabat Monachio milliaribus aliquot, nec valebat se illò conferre, nec præsto aderat à quo duceretur; aliquando tamen sibi ipsa vim faciens, tentare iter aggreditur, trahitque se ingenti labore, piæ comitis brachio subnixa, donec ulterius

viterius non valens, in publicam viam se abiicit, unde illam casu prætriens rusticus, sublatam in carrum, Monachium vehit, & pro templi nostri foribus deponit. Ingressa tunc quidem sat habuit se sancto sistere, & aliquid olei quod ei ardebat in lampade petere, quo mortuum pedem inungeret. Die postero reuersa, ritèque confessâ, rei sacrâ adest, sub cuius exitum, probare placuit, num suus pedi usus rediisset; duarum igitur quæ simul aderant manibus in pedes erecta, usque adeò valuit, ut omisso subalari fulcro ad sacram Eucharistiam processerit sola, suumque se bellè ac integrè sana, in pagum retulerit.

Regebat Panormi Collegium anno 1574. Paulus Achilles magnis vir dotibus, & sanctimonia; iisque tum per se eximie, tum per suos, conuersioni animarum magnis progressibus incumbebat. Hæc damna rei suæ inferri, pati non potuit Dei animarumque hostis, vindictam adornauit qua nulla poterat detestabilior. Sagas quatuor meretrices instigat, ut se concordi nequitia, suo quæque ab dæmone intra Collegium impotandas carent, omnésque flagitiorum artes expediant ad labefactandum alicuius pudorem. Nocte igitur quadam in Collegij aream simul inferuntur; inde insuminos gradus quâ porticum aditus ad cubicula inducit. Illic occultâ vi defiguntur, repellente magno impetu infames furias, quoties progredi conarentur; extimulabant illæ pegasos suos amenti rabie, videbanturque illi ad perfringenda obsecula conniti; verum, ut olim prophetam bellum, sua docuit asina; sic scelerosas veneficas, vectores sui capri docuerunt, majori se potentia retro agi, quam nec vngue transuerso valerent transilire, si vel una quæque sexcentis dæmonibus potentissimis insideret. Ita derisi spretique paredri suas in prostibula amicas reportarunt. Sed eorum unam ut forma, sic turpidine & impudentia coeteris præcellentem, indignatio incessit tentati fructu apud nos facinoris, cui nullum alibi impedimentum eiusmodi obstisset: integratura nefarium crimen, sacrilegii apud nostros confessionibus, molitur cum iis falsa pietate, amicitias in scelus faciles, ut cum denuo in Collegium referretur, clandestinum illic receptorem in promptu offenderet. Verum ne hac quidem via quicquam egit: Quonobrem eandem iterum aleam quatuor furie repetunt, reuehundante in Collegium ab suis dæmonibus intempesta nocte, penetraturæ se in cubicula si possent. Vix intra septa peruererant, cum S. Ignatij occursu veluti fulgoris, luce terribili splendentis, impurissimum choragium dissipatur, nec voce opus, nec manu fuit ad indicendam fugam dæmonibus: primo Ignatij aspectu exire præcipitant, & suas secum asportant veneficas. Harum postea una ad frugem reducta, rem, ut à me narrata est refe- XXXVI.

rebat, confirmabatque distincta minutum eorum recensione quæ in Collegij atrio, & scalis viderat.

Admissus est Hispali adiutor laicus in Societatem, ut vero solet bonum absens quæri ardenter, quam partum seruari, sensim intepuit prima illa in Deū pietas, ut necesse fuerit iuuenem ultra legitimū biennium probare, prius-

XXXV.

Sage & qua-
tuor cum suis
dæmonibus ex-
Panormitano
Collegio S.
Ignatij aspe-
ctu fugan-
tur.

Lethale vul-
nus adiutoris
egressi ex So-
cietaate re-
pente sana-
tur.

GGg 3 quam